

涉縣志
元

嘉慶四年二月刊

涉縣志

江苏工业学院图书馆
藏书章

嘉慶涉縣志序

涉志自康熙甲午歲
邑人修後迄今九十

年未修其為缺也孰
甚焉抑非特缺之甚

也。虞視其所為志編
叙無法前後雜沓凡
所記載往往與史相
背謬蓋先之作者粗
述聞見脩一方掌故

其為書也草創焉而
已繼事者稍溢增益
而踵其前失不復致
考亦無所謂討編也

余以志者史之一體

一縣之志即一縣之

史並期於傳信又史

詳本代志具見數代

必上下千年於有縣

之源流併合歷朝之

因革變易及遭時盛
衰之故灼然於心而
後乃筆之無誤故作
志之難與作史等然
歷代之史具在固作

志之權輿不孰乎此
而循俗記載宜其妄
也今就涉志畧言之
如南北朝時地入北
魏而有梁武朝之尚

書唐代宗後為澤潞
方鎮所據而有開成
之巡幸靖康之後非
後宋有而錄選舉有
紹興之進士記叢祠

有淳熙之道觀玉若

人物首列孤突封邑

遠指涉陀咸無故牽

引展轉傳會其於史

書類未一經目者噫

誣也久矣先正謝方
石有言志缺則一郡
一邑之典型無以考
而文獻不足徵然缺
猶將有起而繼之者

妄則誣誣則是非混
淆真偽錯雜雖有從
者無以善其後今涉
之志既缺又誣甚余
竊病之因以政暇重

修纂既俾九十餘年
之文獻續有所考并

前此千數百年所載

事實亦稍為是正不

致顯背於史蓋於此

加討論焉乃若修飾

潤色則余之才不足

以誇此第龐雜為文

固有所不敢出耳是

役也一切考訂之事

余以身任又得孝廉
李君文元輩今職採
訪始終在局相與有
成厥功並懋焉


嘉慶四年己未五月

賜進士出身

特授文林郎知彰德府涉

縣事浙太平戚學標

序



縣志告成適讀太白集即集其

句書簡端

哲后起康濟君子方經綸建功及春

榮起舞鳴鷄晨何當來此地枯槁

驚常倫風雲激壯志天路渺無回

趙俗縵胡纓不重裘衣人大雅久